

SOBRE GALICIA INDUSTRIAL

Freire Campo, Paz
Torreiro Anta, Begoña
Martínez, M^a José
Buño Fernández, Belén

*IES Ramón Menéndez Pidal, IES Agra do Orzán e
IES Salvador de Madariaga de A Coruña.*

Un grupo de profesoras de Tecnoloxía recordamos a Exposición da Fundación Barrié “Galicia Industrial” como unha oportunidade para o noso alumnado, como unha fonte de posibilidades de traballo, capaz de despertar curiosidade e interese pola tecnoloxía no noso entorno. Interese pola tecnoloxía cotián, polas súas raíces e pola súa evolución presente e futura.

Esta proposta de traballo foi seleccionada por educaBarrié para ser desenvolta no pasado curso 2012-13, polo que contamos con valiosos recursos da Fundación Barrié, ademais da información relativa á exposición, imaxes, vídeos, etc.




Os obxectivos iniciais do proxecto foron:

- Investigar a tecnoloxía que nos rodea có noso alumnado, recoller información, elaborala e divulgala en diferentes entornos.
- Crear actividades e /ou materiais relacionados coa tecnoloxía que poidan ser empregadas por outros-as docentes.
- Iniciar un grupo de intercambio de propostas didácticas.
- Aumentar o recoñecemento sobre a tecnoloxía e sobre a formación tecnolóxica como necesidade na nosa vida presente e futura.
- Fomentar as vocacións científico tecnolóxicas.
- Poñer en valor a riqueza tecnolóxica desenvolta en Galicia, fronte ao alumnado e a todo o entorno.

Con ese material iniciamos a montaxe dunha **exposición itinerante** para que o alumnado (dos nosos centros inicialmente, e o alumnado doutros centros de Galicia no futuro) a poida ter de referente na elaboración dos seus traballos (nalgunhas das actividades propostas neste proxecto).

Como docentes con experiencia, indagamos nas posibilidades didácticas deste tema e o puxemos en práctica desde as nosas aulas. Actividades froito deste traballo foron os obradoiros de ideas e inventos, xogos de preguntas e de conecta, trivial científico-tecnolóxico, encrucillados, puzzles con preguntas, os traballos de investigación, os mapas da cidade e de Galicia...



Unha das primeiras canles de difusión dos traballos foi O “Día de la Ciencia en la Calle” o pasado día 4 de maio en A Coruña (organizado pola Asociación de Amigos de la Casa de las Ciencias), onde o alumnado foi protagonista do relato das súas propostas e onde moitos-as visitantes puideron ver a exposición.



Paralelamente iniciamos a publicación de materiais, propostas de actividades, imaxes dos carteis, traballos de alumn@s na páxina web do proxecto “ Sobre Galicia Industrial” (<https://sites.google.com/site/galiciaindustrial/>)

O proxecto permitiu crear redes de intercambio didáctico, motivar ao alumnado e a profesorado nun proxecto común. O alumnado ten ganas de continuar, o profesorado novas ideas de cómo continuar.

O proxecto podería, nun futuro inmediato, moi doadamente, incorporar a outros centros (doutras localidades ou de diferentes niveis educativos...) e ampliar o abano de actividades, xa que o tema de traballo Sobre Galicia Industrial está só comezado.

